

Bosna i Hercegovina
Federacija Bosne i Hercegovine
Tuzlasni kanton

GRAD ŽIVINICE

Gradonačelnik

Broj: 01/2-04-89-313/20

Živinice, 14.02.2020. godine

Na osnovu člana 15. Zakona o principima lokalne samouprave („Službene novine Federacije BiH“, broj 49/06. 51/09.), člana 29. stav 1. tačka 3) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), a u vezi sa članom 32 a. stav 2. tačka 1. Uredbe o jedinstvenoj metodologiji za procjenu šteta od prirodnih i drugih nesreća ("Službene novine FBiH", broj 75/04, 38/06, 52/09 i 56/09) i člana 38. Statuta Grada Živinice ("Službene glasnik Grada Živinice", broj: 5/19), na prijedlog Službe civilne zaštite, Gradonačelnik, **d o n o s i:**

PRAVILNIK

o procedurama, uslovima, kriterijima i prioritetima za saniranje šteta nastalih djelovanjem prirodnih i drugih nesreća na području grada Živinice

I Opće odredbe

Član 1.

Pravilnikom o procedurama, uslovima, kriterijima i prioritetima za saniranje šteta nastalih djelovanjem prirodnih i drugih nesreća na području grada Živinice (u daljem tekstu: Pravilnik) uređuju se procedure, uslovi, kriteriji i prioriteti za saniranje šteta nastalih djelovanjem prirodnih i drugih nesreća iz sredstava Grada Živinice (u daljem tekstu: Grad) koja se osiguravaju za te namjene i iz sredstava viših nivoa vlasti koja se u vidu jednokratne novčane pomoći dodjeljuju Gradu za saniranje šteta.

II Sredstva za dodjelu pomoći za saniranje šteta

Član 2.

Sredstva za dodjelu pomoći za saniranje dijela šteta nastalih prirodnom ili drugom nesrećom, u skladu sa materijalnim mogućnostima, osiguravaju se:

1. Iz Budžeta Grada, na osnovu člana 179. tačka 1. Zakona o zaštiti i spašavanju ljudi i materijalnih dobara od prirodnih i drugih nesreća ili iz tekuće rezerve Budžeta Grada ukoliko nisu planirana ili su nedovoljno planirana sredstva za ove namjene u Budžetu Grada,
2. Iz sredstava posebne naknade koja Grad ostvaruje na osnovu člana 180. Zakona o zaštiti i spašavanju i koja se tačkom VI. stav 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije Bosne i Hercegovine", broj 4/12 i 80/13) koriste za pružanje pomoći za saniranje posljedica prirodnih ili drugih nesreća,
3. Iz sredstava viših nivoa vlasti, jednokratnih novčanih pomoći za saniranje posljedica viših nivoa vlasti: kantona u skladu sa članom 183. stav 1. tačka 5. i Federacije u skladu sa

članom 182. stav 1. tačka 4. Zakona o zaštiti i spašavanju, a u skladu s tačkama V i VIII Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", broj 60/06, 8/10 i 21/14).

III Vrste šteta

Član 3.

Sredstva za dodjelu pomoći za saniranje šteta iz člana 2. ovog Pravilnika koriste se za dodjelu pomoći za ublažavanje i otklanjanje direktnih posljedica prirodnih i drugih nesreća, nakon izvršene procjene šteta.

Procjenom šteta se obuhvataju sva materijalna dobra: zemljište, stambeni i drugi objekti, oprema, alati, zasadi, šume, divljač, sirovine, stoka, tekuća poljoprivredna proizvodnja, robe, prijevozna sredstva (sve vrste prijevoznih sredstava uključujući i zaprežna vozila), namještaj, predmeti u domaćinstvu i sva druga sredstva i oprema koja se koristi za život i rad građana i rad pravnih lica.

IV Korisnici sredstava za dodjelu pomoći za saniranje šteta

Član 4.

Korisnici sredstava za dodjelu pomoći su pravna i fizička lica sa područja grada Živinice, na čijim materijalnim dobrima se dogodila šteta, koji izvrše prijavu štete u roku od 8 dana od dana nastanka prirodne ili druge nesreće, na obrascu PR-Š – prijava štete od prirodne i druge nesreće i kod kojih je izvršena procjena šteta i utvrđenih prioriteta za dodjelu pomoći od strane Gradske komisije za procjenu šteta.

V Procedure za dojelu pomoći za saniranje šteta i traženje pomoći od viših nivoa vlasti

Član 5.

Sredstva za dodjelu pomoći za saniranje šteta iz člana 2. tačka 1. i 2. ovog Pravilnika su sastavni dio planske projekcije Budžeta Grada za fiskalnu godinu, a sredstva iz člana 2. tačka 2. koriste se na osnovu godišnjeg Plana korištenja sredstava posebne naknade za zaštitu u kojem se planiraju sredstva za pružanje pomoći za ublažavanje i otklanjanje direktnih posljedica prirodnih i drugih nesreća, nakon izvršene procjene šteta.

O korištenju sredstava za dodjelu pomoći za saniranje šteta iz člana 2. tačka 1. Pravilnika odlučuje Gradonačelnik, na prijedlog Službe civilne zaštite.

O korištenju sredstava za dodjelu pomoći za saniranje šteta iz člana 2. tačka 2. Pravilnika, odlučuje Gradski štab civilne zaštite, na prijedlog Službe civilne zaštite.

Služba civilne zaštite vrši izradu prijedloga na osnovu prioriteta za korištenje sredstava koje predlaže Gradska komisija za procjenu šteta.

Organi iz stava 2. i 3. ovog člana donose odluke o dodjeli pomoći za saniranje šteta.

Evidencije o sredstavima iz člana 2. tačka 1. i tačka 2. vodi Služba civilne zaštite i Gradska komisija za procjenu šteta (u daljem tekstu: Gradska komisija).

Član 6.

Sredstva za dodjelu pomoći za saniranje šteta iz člana 2. tačka 3. Pravilnika se ostvaruju na osnovu zahtjeva za dodjelu pomoći, kojeg podnosi gradonačelnik prema Vladi TK, kada grad svojim sredstvima nije u mogućnosti izvršiti finansiranje svih radnji na saniranju nastalih posljedica koje su neophodne za stvaranje osnovnih uslova za život i rad na ugroženom području.

Sadržaj zahtjeva za dodjelu pomoći i prilog dokumentacije je definisan tačkom VIII Odluke o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", broj 60/06, 8/10 i 21/14).

Zahtjev za dodjelu pomoći za saniranje šteta se podnosi najkasnije u roku od tri mjeseca od dana kada je nadležni organ Grada proglasio prestanak stanja prirodne ili druge nesreće.

Sredstva dodijeljena za pomoć za saniranje šteta od viših nivoa vlasti koriste se za namjene koje su navedene u odluci o dodjeli te pomoći.

Odluku o utrošku dodijeljene pomoći viših nivoa vlasti donosi gradonačelnik na prijedlog Službe civilne zaštite. Služba civilne zaštite vrši izradu prijedloga na osnovu prioriteta za korištenje sredstava koje predlaže Gradska komisija za procjenu šteta.

VI Kriteriji i prioriteta za dodjelu pomoći za otklanjanje šteta

Član 7.

Dodjela pomoći za saniranje šteta na području Grada koje su nastale djelovanjem prirodne ili druge nesreće može se dodjeljivati onda kada se utvrdi da su štete velike, da vlasnik materijalnih dobara svojim sredstvima ne može sanirati sve štete, a nastale štete su takve vrste koje onemogućavaju život i rad ljudi na ugroženom području, pa je njihovo saniranje neophodno u što kraćem roku.

Član 8.

Prioriteta za saniranje šteta iz člana 7. ovog Pravilnika, nakon procjene šteta, u skladu s raspoloživim sredstvima iz člana 2. tačka 2. Pravilnika utvrđuje i predlaže Gradska komisija za procjenu šteta.

Na osnovu prioriteta za saniranje šteta iz prethodnog stava, Služba civilne zaštite priprema prijedlog odluke o dodjeli pomoći za saniranje šteta.

Odluku o dodjeli pomoći za saniranje šteta iz sredstava osigurana članom 2. tačka 2. ovog Pravilnika donosi Gradski štab civilne zaštite na prijedlog Službe civilne zaštite.

Odluku o dodjeli pomoći za saniranje šteta iz sredstava osigurana članom 2. tačka 1. i tačka 3. ovog Pravilnika donosi Gradonačelnik na prijedlog Službe civilne zaštite.

VII Prijedlog i sadržaj odluke o dodjeli pomoći za saniranje šteta

1. Utvrđivanje prijedloga Odluke o dodjeli pomoći za saniranje šteta

Član 9.

Prilikom utvrđivanja prioriteta za saniranje šteta na osnovu kojih se priprema prijedlog odluka za dodjelu pomoći za saniranje šteta iz člana 2. Pravilnika, Gradska komisija za procjenu šteta u obzir uzima slijedeće podatke:

- a) Štetne posljedice po ljude:
 - smrtne posljedice,
 - povrijeđeni,
 - oboljeli i
 - evakuisani,
- b) Štetne posljedice po materijalna dobra:
 - porušen i oštećen stambeni objekt u vlasništvu građana i objekt u vlasništvu pravnih osoba, i
 - porušeni i oštećeni infrastrukturni objekti,
- c) Štete na drugim materijalnim dobrima (zemljišta, oprema, zasadi, šume, divljač, stoka i dr.),
 - visina pričinjene štete iskazana u finansijskim pokazateljima,
- d) Materijalna mogućnost vlasnika materijalnih dobara kod koga je nastala šteta i
- e) Druge podatke od značaja za normalizaciju života ljudi na ugroženom području.

Gradska komisija na osnovu podataka iz prethodnog stava, u skladu sa članom 7. ovog Pravilnika i na osnovu izvršene procjene o visini pričinjene materijalne štete vrši utvrđivanje prioriteta za dodjelu pomoći za saniranje šteta.

2. Sadržaj Odluke za dodjelu pomoći za saniranje šteta

Član 10.

Dodjela novčane pomoći za saniranje šteta se vrši Odlukom koja sadrži slijedeće podatke:

- 1) naziv korisnika iz člana 4. Pravilnika,
- 2) transakcijski račun korisnika,
- 3) iznos sredstava koja se dodjeljuju,
- 4) konkretne namjene (npr.za sanaciju oštećenog/uništenog objekta, štete u poljoprivrednoj proizvodnji i dr.) za koje se vrši isplata sredstava,
- 5) izvor sredstava (pozicija u Budžetu, grant viših nivoa vlasti),
- 6) organ zadužen za realizaciju odluke.

Služba civilne zaštite, a na osnovu utvrđenih prioriteta za dodjelu pomoći od strane Gradske komisije, priprema prijedlog Odluke za dodjelu pomoći za saniranje šteta i isti dostavlja na odlučivanje Gradskom štabu civilne zaštite za sredstva iz člana 2. tačka 2. ovog Pravilnika i Gradonačelniku za sredstva iz člana 2. tačka 1. i 3. ovog Pravilnika.

Član 11.

Prilikom pripreme i utvrđivanja prioriteta, odnosno prijedloga za dodjelu pomoći za saniranje šteta u obzir se ne uzimaju sljedeće štete, i to:

- a) štete koje nastanu od prirodnih ili drugih nesreća zato što nisu bile poduzete propisane mjere zaštite ili zbog krajnjeg nemara, ili zato što je šteta izazvana namjerno,
- b) posredne štete (izgubljeni prihod zbog neobavljanja djelatnosti u oblasti saobraćaja, ugostiteljstva, trgovine i drugim djelatnostima),
- c) štete na dugogodišnjim nasadima (voćnjaci i vinogradi), osim u godini nastanka štete,
- d) ako šteta nije prijavljena po postupku i u roku predviđenom ovim Pravilnikom i

e) štete nastale na objektima koji su izgrađeni bez dozvole za građenje.

VIII Završne odredbe

Član 12.

Ovaj Pravilnik stupa na snagu danom donošenja a objavit će se u "Službenom glasniku Grada Živinice".

Gradonačelnik

dr. sc. Samir Kamenjaković